



Aurkezpen
jendetsua egin
zuten atzo
Kilometroak
99 jaiaren
antolatzaileek.

JAGOBA
MANTEROLA

Abian da Kilometroak 99

Atzo aurkeztu zituzten antolatzaileek egun handiko logoa eta ikur-hitza: «Bizi»

Datorren urteko urriaren 3a egun handia izango da. Kilometroak 99 ospatuko da Orereta-Errenterian, Gipuzkoako ikastolen jai handia. Urrutitxo dago oraindik. Lanean ari dira, hala ere, Orereta Ikastolako antolatzaileak. Atzo, esaterako, Kilometroak 99ko logoa -Kilokolore izena jarri diote ikastolako haurrek- eta ikur-hitza -«Bizi»- aurkeztu zituzten. Alboan, babesa azaltzera hurbildu zitzaizkien bailarako hainbat pertsonaia ezagun.

Arantxa Iraola / Oiartzun

MILURTEKO honen azken arnasean —datorren urteko urriaren 3an— euskaltzaleen jai handia izango Orereta-Errenterian: Kilometroak 99. Antolatzaileak hasiak dira lanean, eta atzo Oiartzungo Lintzirin hotelean eskaintako prentsaurrekoan jai handi-

ko bi ezaugarri garrantzitsu aurkeztu zituzten. Logoa —«Kilokolore izena jarri diote ikastolako haurrek»— eta ikur-hitza: «Bizi».

Aurkezpen bitxia izan zen, kolorez bete. Izan ere, ikastolako haur pilo batek hartu zuten parte. Haur eta antolatzaileez gain, bailarako zenbait pertsonaia ezagun ere han zeuden: Maite Arruabarrena mezzosopranoa, Mikel Markez kantaria, Alaitz Telletxea trikitilaria, Juan

Mari Irigoien idazlea, Juantxo Villarreal Bidasoa eskubaloitaldeko entrenatzaile ohia eta Jesus Mari Zamora Realeko futbolari ohia. Guztien izenean, Juan Mari Irigoien idazleak ekimen honekiko atxikimendua azaldu zuen. Bertan egon zen Antonio Campos ere.

Bizi, bizi, bizi • Hitz soil hori hautatu dute Kilometroak 99ko antolatzaileek hitz-ikur modura.

Xabier Oleagak hainbat argudio eman zituen hitz-ikur horren alde. «Bizi berez milurteko batek amaieran eta beste baten hasieran bizitasun mezu aktiboa trasladatzen duen zerbait da. Baina horrekin batera ikastolen munduan oso familiarizatuta gaizkan kontzeptua da». Hala, hitz-ikur dinamikoa izango dela esan zuen, hamaika hitz-jokotara moldatuko dutena. Hitz joko horietako bat iragarri zuen jada, Orereta-Errenterian lehendik arrunt ezaguna den esaldia izango baita, duela 150 urte Xenpelarrek bertsotan jarria: «... Errenterian bizi naiz eta, egin zaidazu bisita».

Ahotan izan zuten, halaber, Oleagak Kilometroak 99 honetan sustatuko dituzten ideia nagusiak: bigarren milurtekoaren azken arnasean egingo den jai izango dela, beste ezereen gainetik partaidetza sustatuko duela eta Orereta Ikastolak euskalduntze prozesuan duen garrantzia nabarmenduko dela. Europa eta bertako komunitateari egindako erreferentziak etengabeak izango direla ere esan zuen. x

«Hau da gure maskota»

ORERETA IKASTOLAKO haur eta gaztetxoek protagonismo berezia izango dute Kilometroak 99n. Beraiek izan dira, esaterako, jai handiko logoaren egileak. Haurrek ikertze arte-haur laborategian egin dute lana, eta atzo, ilusioz blai, beraien lanaren berri eman zuten. Guztien izenean Maider, Garazi eta Ibai mintzatu ziren. «Aurrena kartulinaz egin genuen...», ekarri zuten gogora. Apurka-

apurka forma hartzen hasi zela esan zuten eta begien bistan genuena dela emaitza: «Hau da gure maskota». Kilokolore izeneko irudia da, haurren irudimenak jada pertsonaia atsegin bihurtu duena. Bide batez bertatik eratorritako irudi familia bat ere garatu dute. Hala, haurren irudimenaren lanaren emaitza etengabea gozatu ahal izango da urriaren 3a bitartean.

Korrikaren hotsak entzuten hasiak dira

Orain arteko hamar Korriketako kantak bildu ditu disko baten AEK-k

Gorane Agirre / Bilbo

ORAIN arteko Korrikako abesti guztiak biltzen dituen *Hamaiketako prest!* CD-a kaleratu du Alfabetatze Euskalduntze Koordinakundeak (AEK). Durangoko azokan salgai izango den lan horretan duela ia hogeitau urte Amurizak Korrikarako egin zuen lehen abestitik Andoni Egaña eta Gozategik 1997an grabatu zuten hamargarren kantara arte biltzen dira.

Lan hori hilabete gutxi barru egitekoa den Korrika 11ren «aurrerapentxo» bat dela azaldu zuen Xabier Irazustak, aldi berri horretako arduradunak. Izan

ere, Korrika 11 martxoaren 19an abiatuko da Iruñetik, eta 28an helduko da Donostiara.


Hamaiketako prest! diskoan jasotzen diren abesti guztiak Korrikaren kantu ofizialak ez direla argitu zuen Irazustak; izan ere, Korrika 8 izan baitzen abesti ofiziala izan zuen lehenengoa. Dena dela, zehaztu zuenez, «lehenago ere izan zen Korrika aipatzen zuen kantarik, AEK-k antolatzen duen euskararen aldeko ekitaldi honek herrian lortu duen atxikimendu eta arrakastaren seinale, eta horiek ere disko honetan bildu nahi izan ditugu».

Lan horretan jasotzen dira

Korrikaren, estraineko aldia zela —eta Xabier Amurizak jorratu zituen bertsoak. Kanta hori disko honetarako berriz grabatu du bertsolari bizkaitarrak Zaruazko Arrano abesbatzarekin batera eta Jose Luis Txapartegiren zuzendaritzapean.

Amurizak berak adierazi zuenez, «hemen dagoen *potpourri* honetan badaude kantu oso landuak, egokiak, eskasagoak edo konpletuagoak, historia bat dago hemen. Hor lehenengo agertzeak halako poz bat ematen dit».

Bestalde, hainbat musika taldek —Akelarre, Egan, Oskorri eta Irigoien anaiek— Korrikari eskaini dizkioten kantuak ere



Hamaiketako prest! lanaren aurkezpen ekitaldia.

XOUSE SIMAL

jasotzen ditu disko horrek. Era berean, bada hirugarren multzo bat, hain zuzen, disko horretarako propio grabaturiko kantak:

Lontxo Aburuzak Korrika laurako egindako bertsoak eta bizkaitar kostaldean kantatzen zirenen Korrikako koplak. x

Urtero 6.700 lagun gaixotzen dira minbiziz Euskal Autonomia Erkidegoan

Gaitzari aurre egiteko elkarlan akordioa sinatu du Osasun Sailak Kutxaren Institutu Onkologikoarekin

Efe / Donostia

ATZO Donostian lankidetzaz hitzarmena sinatu zuen Eusko Jaurlaritzako Osasun Sail leko arduradun Iñaki Azkunak Kutxako lehendakari Fernando Spagnolorekin. Izan ere, Kutxarena da Donostiako Institutu Onkologikoa, eta institutu horrek eta Osasun Sailak etorkizunean elkarlanean jarduteko oinarriak zehaztu zituzten atzo.

Bide batez, Iñaki Azkunak minbiziari buruzko hainbat datu aurkeztu zituen hedabideen aurrean. Gaitz latza dela argi utzi zuen, eta urteroko 6.700 lagun erasotzen dituela minbiziak EAEn. Hala, autonomia erkidegoko heriotzen bigarren arrazoa minbiziak dela ekarri zuen gogora. Nabarmendu zuenez, gizonezkoen gehieneri biriketan sortzen zaizkion gaitza eta emakumeen, berriak bularrean. Datu horiek guztiak hizpide, minbiziak beraieguneroko jardunean kezkatzen duela esan zuen Iñaki Azkunak: «Lehentasun osoan duen osasun arazoa da».

Hala ere, azken urteotan minbiziak duten gaixoen eskaintzen zaien arretak «kalitatearen hobekuntza etengabea» egon dela azaldu zuen, eta atzo sinatutako akordioak ere aurrerapean handia ekarriko duela. «Hitzarmen honek bultzatu erraztu eta bideratu egingo du Gipuzkoan onkologiaren alorrean lanean ari diren profesional guztien arteko lankidetzak». x